

[必睇]光復注意事項

by 昇少少時間我

<http://forum1.hkgolden.com/view.aspx?type=CA&message=5710873&authorOnly=true>

光復行動注意事項（唔睇唔好出嚟行）

前言：

小弟係三月一日，光復元朗入面被拉嘅一個。下面講嘅嘢，係結合自己同被捕者兩日經歷嘅小小總結。我唔理你光復邊道都好，但你一定要睇。

分析：光復行動已經被港共定性為危險活動，警察會用盡一切方法打壓，每個參與嘅人都要有心理準備會被拉。因為警察會用任何方式任何理由去拘捕，詳情可以 **google** 搵我另一篇文〈拘捕四十八小時〉。

而光復元朗係先河，從今以後，所有光復行動中逮捕人士，都極有可能羈留你兩晚，然後直接上庭。警察目的唔係要告你，因為佢知道實告唔入，而係要殺雞警猴，增加行動者嘅成本，從而帶黎阻嚇。你去得，就要預左被拉，拉得，就預左坐四十八個鐘。所以我好想話你知，拉前拉後，你有咩要做。

事前：

1. 朋友同行

必須要有朋友同行，而且大家都要攞住相機或電話，隨時準備拍攝。萬一咁唔好彩被拉，朋友拍攝嘅片段，將會係你他日上庭嘅重要證供。大家都有睇「妄想症差佬」，如果無片，上到法庭個官唔會信警察講大話，而只會信你襲警。而且萬一被人拉左，都有人知，可以搵律師幫你。

2. 滙報行蹤

假設你真係毒到一個朋友都無，要單拖去光復。都請你一定，係一撚定，要話定畀朋友聽你去左光復，如果幾點幾點搵你唔到，就聯絡律師搵你。上網會好容易搵到義務律師架喇。

3. 行裝

危險性攻擊性物品唔好帶喺身，包括萬用刀、火機、鉸剪同 **cutter**、一個唔好彩搜到你，就係「藏有攻擊性物品」。

4. 電話上鎖

電話一定要上鎖，唔解釋。

5. 送飯

同你朋友講定，邊個被捕，係朋友嘅一定要送飯入黎。其實，差館啲飯又唔係話好難食嘅.....不過係好撚難食啫！全部係上欄廚餘，啲飯會用汁整到勁淋勁濕，如果你唔係好好好撚肚餓，你係唔會食得落。

6. 衣物

個袋塞多件襖啦，畀你到時易容換衫走佬又好，入到去臭格着住又好，因為臭格真係好凍。

被捕現場：

1. 唔好反抗

咁唔好彩畀警察拉左，無論佢地點屈你手腳都好，千祈千祈唔好反抗，佢地有鏡頭影到嘅話，會告埋你襲警。（註：當日我被捕，大聲屌警狗 13091 劉偉強老母嘅時候，佢話我啲口水噴到佢，要告埋我襲警添。）

2. 大聲宣佈拘捕理由

拉得你，現場一定會哄動，一定會有傳媒影住。呢個時候，唔好怕醜，要大大聲聲話畀鏡頭知警察以咩理拘捕你。最好嘅話，講埋拘捕你嘅情況，例如上次有個女仔無端端被警察揸低，成面爆晒血，畀班狗話襲警。咁樣係要畀社會同輿論去咬住警察，要佢地解釋發生緊咩事。

警車：

1. 求醫驗傷

上到警車，即刻同個警察講話你要驗傷，要去醫院。一黎喺保護自己，入差館前有個紀錄，證明你完好無缺，萬一人到去被打，都有得指證。二黎係增加警察行政成本，佢地都預得留你四十八個鐘，我地就玩到盡。一條友去驗傷，佢最少要派兩個警察陪你三個鐘，又要警車接送，事前事後仲要準備好多文件。

2. 問話

上到車，警察會即刻問你嘢，基本上，除左姓名、住址同電話之外，你咩都可

以唔答(包括職業)。不過，又無話一定唔可以講嘢，但一牽涉到政治議題立場同遊行示威情況，你就要即刻收口。當然，如果你分唔到咩講得咩唔講得，咁安全起見咪咩都唔好講。

3. 電話解鎖

差佬會叫你解鎖，話要熄左部電話佢。你答佢：「屌，仲好講，唔記得左喇，頭先畀你地幾十個人圍埋嚟，嚇到乜撚嘢都唔記得左呀仆街。」

差館：

入到差館有好撚多嘢要簽，可能簽嘅嘢會多過我以下寫嘅，因為我都唔記得晒，但無論咩都好，簽之前一定要每粒字睇清楚，包括中文英文，而牽涉到案情嘅，就千祈千祈一撚定一撚定唔好簽。

基於你唔合作，乜鳩嘢都唔講，一開波會有好多警察輪住黎屌鳩你，當屌完一輪之後，又會有條粉皮好聲好氣扮知己，問你發生咩事，話你唔出聲佢地幫你唔到。如是者，好彩就一次，唔好彩就三四次（好似我咁），不停重覆重覆，屌完你又氹，氹完你又屌咁，你不為所動就得架喇。（我搞笑啲，差館人手有限，屌我同氹我嗰個係同一條友，我望住佢真係笑左出黎，好撚驚佢精神分裂。）

記住啦，出得黎行預左要還，入得差館就要付代價。唔好話屌你，就算打鳩你都要招食，如果你堅持唔到簽撚左佢啲濕鳩證供，咁耶穌都幫你唔到。驚嘅，唸下岳飛首正氣歌啦，「天地有正氣，差佬仆街死」。

1. 被捕須知

第一張係被捕須知，裏面會講你已經被捕，你同時會有啲咩權利（有啲咩權利我陣間講）。呢張無伏，簽得。

2. 搜身須知

呢張嘢會同你講你將會被搜身，入面會寫埋搜身嘅方式，使唔使除衫除褲。而好多年前判左警察違反人權，而家搜身係唔須要除衫除褲，所以，記住，如果搜身嗰陣佢話要你除，你話張嘢無寫，唔撚好理佢。（上星期有個中學生，因為咩都唔知，被警察除底褲搜身，屌佢老母。）

3. 被捕經過

呢到好撻緊要，你成版唔睇都得，但呢個一定要睇。你鳩坐等搜身嘅時候，拉你個隻狗就會笑笑口走埋你，同你講佢會補錄返拘捕你嘅經過，問你明唔明白。佢就會開始鳩寫，寫完之後會同你覆述一次，叫你寫段「我明白及同意上述口供.....」，再叫你簽名。而內容百份之一百二十係無中生有，即係屈鳩你。

（好似 我嗰份咁，最少有兩個自相矛盾位。）首先，呢份唔撻係正式口供，你唔需要簽。再者，呢份嘢係用嚟屈鳩你，你簽左即係認左佢嘅指控，所以點撻樣都唔簽得。

而你堅持唔簽之後，佢會搵上一級（通常係沙展）做 counter sign，簽完之後會再畀你睇。記住，就算你無簽，但你都有權問佢擺份副本，而我唔係同你講你有權利，而係叫你一定要擺，幫你上庭指證返差佬作口供。

4. 搜身

無乜特別

5. 證物入袋

呢個步驟最撻麻煩，佢會逐件逐件將你個袋啲嘢拆開黎睇

6. 入臨時羈留室

搞掂晒之後，入臨時羈留室，有眼鏡嘅會被佢收撻埋，話驚你自殺嗰。你試下同佢講，話你無眼鏡會好撻頭暈，如果你好彩，個差佬未必會收你眼鏡。入到去，會係短暫放鬆嘅地方，因為一間羈留室應該有六至七個戰友，呢個時候大家可以吹下水。再晏啲，就會的你入臭格。

7. 權利

呢樣嘢又好撻緊要，老實黎講，差館入面嘅任何權利都係要自己爭取返嚟，爭取嘅方式就係煩鳩住佢。

你可以去醫院睇醫生、擺紙擺筆寫嘢、飲水、食三餐、打電話畀律師（不限次數）、打電話畀屋企人（不限次數），但全部嘢你開到聲，差佬都會話「安排緊，等陣先」，你唔使同佢拗，話你有七七七七權，點解你唔畀我。你只需要隔五分鐘十分鐘出一出聲煩鳩住佢就得，如果咁啱有大粒嘢經過，例如當值官，你最好 即刻出聲。之後個白衫會望撻住個藍衫，心入面諗「屌你老母，少少嘢都要煩鳩住我」。

羈留室

羈留室即係臭格，同監獄風雲見到啲監倉差唔多啦，有幾張石屎床，後面有踏廁。都無乜特別，臭又唔係話好臭，係好撚凍啫。你係有權問佢擺毛毯嘅，不過都係嗰招，要煩鳩住佢。同理啲毛毯好撚臭好撚多菌，無，唔係叫你唔要，畀個心理準備你啫。

落口供

情況同啲啲入差館嗰陣，叫你簽嗰張口供紙差唔多。但今次應該會係 CID 同反黑，佢地雖然都係用嗰招，軟硬兼施，黑白雙煞。不過，兇嗰個會兇好撚多，溫柔嗰個又會溫柔好撚多。記住，呢個階段，乜撚嘢都唔好簽。佢會同你分析案情，話你都好無辜，又話你要肯講出黎，佢地先睇到係咪同事誤會左你；又會話脆脆地認左佢，守行為搞掂，案底都唔使留。唔好同佢爭辯或者討論案情，佢問你乜，你答佢「我無嘢講」，最後問佢擺返張口供紙。

呢個過程我覺得好撚難捱，我當時係好撚驚，好驚佢會打鳩我。因為大家都知，入左差館，佢地真係做乜都得。我當時諗起好多嘢，「出得嚟行，預左要還」、「怯，你就輸成世」、「申怨在上帝，審判也在上帝」。呢啲，叫信念。

檢控書

搞掂之後會帶你去打指模同影相，最後會畀份檢控書你，寫明你因為咩事被拉，亦會有簡單案情（警察版本）。佢會問你有無補充，你答佢「我無嘢講」，之後簽名得架喇。（呢份簽得）

攻略寫到呢步，都差唔多爆機。等多日上庭過堂就走得，到時律師會問你可以畀幾錢保釋，留返啲錢擲袋，你答佢一舊水啦，又唔係殺人放火，屌差佬啫，個官會畀你走。

保釋之後：

即刻上網搵返晒當日啲片，搵到嘅話，記得問返原拍片者，確定片段係無修剪版先可以上庭。

如果你無畀人拉，又如果你影到衝突場面，影到有人被拉，請你將段片放返上網，千祈唔好刪左條片佢！

恭喜你，爆機喇。